

西安碑林全集

開成石經

第一五六卷 春秋左氏傳

福孔偕齊侯使諸姜宗婦
來送葬召萊子萊子不會
故晏弱城東陽以福之鄭
成公疾子駟請息肩於晉
公曰楚君以鄭故親集矢
於其目非異人任寡人也

若背之是弃力與言其誰
暱我免寡人唯二二子秋
七月庚辰鄭伯睂卒於是
子罕當國子駟為政子國
為司馬晉師侵鄭諸大夫
欲從晉子駟曰君命未改

曾子成謀鄭故也子孟獻子
曰請城虎牢以偏鄭知武
子曰善郕之會吾子聞崔
二之言今不來矣滕薛小
邦之不至皆齊故也寡君
之憂不唯鄭也王將復於寡

君而請於齊得請而告吾
子之功也若不得請事將
在齊吾子之請諸侯之福
也豈唯寡君賴之穆叔聘
于宋通嗣君也冬復會于
戚齊崔武子及滕薛小邾

之大夫皆會知武子之言
故也遂城虎牢鄭人乃成
楚公子申爲右司馬多受
小國之賂以徧乎軍子辛
楚人殺之故書曰楚殺其
大夫公子申

經三年春楚公子嬰齊帥
師伐吳公如晉夏四月壬
戌公及晉侯盟于長樗公
至自晉六月公會單子晉
侯宋公肅侯鄭伯莒子邾
子齊世子光己未同盟于

雞澤陳僕使袁僑如會戊寅叔孫豹及諸侯之大夫及陳袁僑盟秋公至自會冬晉荀瑩帥師伐許傳三年春楚子重伐吳爲簡之師克鳩兹至于衡山

使鄧廖帥組甲三百被練
三千以侵吳吳人要而擊
之獲鄧廖其能免者組甲
八十被練二百而已子重
歸既飲至五日吳人伐楚
取焉駕良邑也鄧廖亦棄

之良也君子謂子重於是
役也所獲不如所亡楚人
以是咎子重子重病之遂
遇心疾而卒公如晉始朝
也夏盟于長樗孟獻子相
公稽首知武子曰天子在

兩君辱稽首寡君懼矣孟
獻子曰以敝邑介在東表
密邇仇讎寡君將君是望
敢不稽首晉爲鄭服故且
欲脩吳好將合諸侯使士
匄告于齊曰寡君使匄以

歲之不易不虞之不戒寡
君願與一二兄弟相見以
謀不協請君臨之使匄乞
盟齊侯欲勿許而難爲不
協乃盟于外祁奚請老
晉矣問嗣焉梅解孤其辭

也將立之而卒又問爲對
曰午也可於是羊舌職死
矣晉侯曰孰可以代之對
曰赤也可於是使祁午爲
中軍尉羊舌赤佐之君子
謂祁奚於是能舉善也夫稱

其雖不為諂諂立其子不為
比舉其偏不為黨商書曰
無偏無黨王道蕩蕩其祁
奚之謂矣解狐得舉祁午
得位伯華得官建一官而
三物成能舉善也夫唯善

故能舉其類詩云惟其有
之是以似之祁奚有焉去
月公會單頃公及諸侯己
未同盟于雞澤晉侯使荀
會逆吳子于淮上吳子不
至楚子平爲令尹侵欲於

小國陳成公使來僑如會
求成晉侯使紹組父告于
諸侯叔孫豹及諸侯之
大夫及陳索高盟陳請服
也晉侯之弟揚干亂行於
曲梁魏絳戮其僕晉侯怒

謂羊舌赤曰合諸侯以爲
榮也揚干爲戮何辱如之
必殺魏絳無失也對曰絳
無貳志事君不辟難有罪
不逃刑其將來辭何辱
焉言終魏絳至授僕人